

# BRUSA LA VECIA DE BURBAN



# TESTAMENTO

7 MARZO 2024

Burban, 7 Marzo 2024

“Continué pur copar  
zelebrandove eroi  
ma i cont dovaré far  
egregisimi merdoi!

Elora conte i mort  
te l'abaco ispiradi  
reson a sconder tort  
de asasini iluminadi

Fortunada memoria,  
de quei che se pensa  
che doi ani fa storia,  
la dea ugal sentensa

Reste solita paiazza  
ma che ha vivest guera  
e se 'ncora i se maza  
piande 'l zel e la tera”.

Son na scopiazona  
de veci testamenti  
o elo mondo mona  
de falsi pentimenti?

Toca sempre pantalo  
pagar rediti e pension  
sie dipendenti o paroi  
i mancan sta inclusion

A menar la economia  
bonus trati a profusion  
stato al fa filantropia  
pa far finta vae benon

Asa perdèr al to parti  
descoron de do robete  
Giorgeta scolteme mi  
m'ocor al bonus tete!

Piasaria na femeneta  
comandar 'nca region  
dato al Luca ombreta  
avon pers tel calderon

Olimpiadi ha promes  
sucsoni e inovazion  
avaria stropa al Mès  
ogni busa de stradon

De bob na super pista  
che co po la resta là  
ne cojona ogni turista  
#varacomeisehaciavà

Mi intant fae colona  
tornando da na siada  
risce gner na bisnona  
te quella unica strada.

Pararie che a giugno  
i ne fae tornar votar  
sfogar ogni mugugno  
te na sielta popolar

Policanti se contende  
al bel scrano sedegòt  
ocor che i m'intende  
e se serve, a fufignòt

Sto cazo de dotor!  
ho pers la pasienza  
a Burban se mor  
furia far penitensa

Sior Sindico futuro  
questa l'é la priorità  
vaghe a muso duro  
qualchidun scoltarà.

Personagio publico  
ma sempre a la man  
col so bafo elettrico  
al sto nostro paesan

Contarsela legera  
l'è gia an sospiron  
a l'ha risciada vera  
e con lù ghe ridon

Cascando al fa bot  
pa giustarlo curator  
g'ha mes 'n busolot  
che par Monsignor

Ma lu no ha paura  
del novo so aciaco  
va comprar verdura  
figo, col so colbaco.

La vita fàta a scale  
chi va su e chi do  
qualcun conta bale  
e artri i dis "boh"

No crèe mi enigma  
de la Sagra dei Per  
ie lori 'n paradigma  
de sti strambi mistèr

Se dimet 'l condotier  
gnanca un se fa vantì  
tanti gai te an punèr  
ben pocheti ruspanti

So femena irabiada  
l'àsa 'l sone i so bai  
'l parto de sta coada  
fa "près" novo...Pai.

De sagra esperta  
girade le ho tute  
a olte 'n trasferta  
le bele e le brute

Voi me daré tort  
ma la vecia de voi  
capis ben tuti sport  
soratut i scarpedoi

Par quel me rabie  
a vardar al rional  
su an prà de sabie  
i se sent nazional

Barufoi i ha fat  
e sospeso partide  
i se sveie i tosat  
l'è dugo, no sfide!

Faiv futbol ai pedoci  
no ha basta penitensa  
i avea lagreme ai oci  
a la ultima sentensa

Vera che l'archet  
me stea sui maroni  
sti qua a far fighet  
parea i vese milioni

La zuca ha mancà  
ma al cor i lo avea  
sognando sta "A"  
là nisun se sveièa

Ma a botega serada  
se ha reso cont tuti  
tuta quanta l'arada  
la portea i so fruti.

Un gnas e un feltrin  
sta copia de pastor  
ogni tant i fa casin  
co Sandro predicator

Nisuni che se rende  
se la part discussion  
tant cioe tant vende  
ognun ol ver reson

Mi mi cene la mea  
masa democrasia  
le menti l'aneblea  
tu no te capis nia

Na roba ho reson mi  
creseme o comunion  
tanti boce al stésò di  
no ognun par canton.

Sto mondo al volve  
pochet al me paese  
no so se mi i asolve  
pal discorso spese

Tut sto aumentar  
na roda che gira  
le boteghe a serar  
zent senza na lira

E saludà Taverna  
na nius me consola  
dopo atesa eterna  
ciolarò na brasiola

Tacadi a la stazion  
Bote e Firpo fradei  
verde macelazion  
co spiedi e porzei.

Che ben festegiar  
se fat co' giudizio  
pes ndar a magnar  
cavarse sto sfizio

L'é zene famose  
pa no finir bonora  
ma se no riva tose  
la cioka ghen siora

Rivà alba coriereta  
la scarga viandanti  
guidadi da simieta  
via a pié tuti quanti  
Doi n'ol caminar  
retromarza e via  
veture i va sbecar  
e ride la Carozzeria...

No era invezze moi  
an altro me paesan  
migo de sti pantaloì  
'nca lu ha fat bacan

Pensionà de fresca  
zola in tera bramada  
zercando bela tresca  
al se fa la traversada

Gnanca un che sa  
se ha asà 'mpronta  
tel Brasile se va  
parò no se conta

Ritornando distrato  
casa l'ha parchegià  
sul garage al misfato  
al speciet l'ha crepà.

Ora dar numeri  
su sto testamento  
pagarve i viveri  
e riscaldamento

Secondo no ocor  
ormai sto pianeta  
ha solché calor  
par fin n'isoleta

Fae la patriota  
e citando Belun  
la sàgia veciota  
dis dugar l'un

Rodeta che gira  
consilia Firense  
là pescador tira  
carghe le lense.

Fe rular tamburi  
riva altra butada  
fasendo i auguri  
belché ciapada

L'otanta ghen fora  
lo ha dit l'estrator  
m'ha contà la siora  
che ghe fa l'amor

Salivar sgnapete  
gnest iluminazion  
vist zinquantasete  
te la me aberazion

No ve farò ciapar...  
restaré a far fadiga  
ole vederme brusar  
elora andé in figa!

*Il testamento è frutto della fantasia degli autori.*

*Eventuali riferimenti a persone o fatti realmente accaduti è puramente casuale*

*SAGRA DEI PER 2024*

*DAL 19 AL 28 LUGLIO*